

傷寒明理論方論

一



傷寒明理論

一冊

宋本



讀書敏求記云傷寒明理論四卷此書首
尾斷爛序作於開禧改元稱成公當乙亥
丙子歲其年九十餘則必生於嘉祐治平
之間誠仲景之功臣醫家之大法成公不
知誰何蓋北宋時人也觀此則此本序及
目錄均有割裂補綴之痕非完書可知
也元明諸刻俱作三卷附傷寒論註後
此本雖殘猶是當時原刊無疑矣

乙卯夏日

克文



據中國國家圖書館藏宋刻
本影印原書版框高十九
·
三釐米寬十三·三釐米



傷寒明理論二卷
宋本二冊





傷寒明理論序

卷三

南京中醫藥大學

余常患歷代名醫通微難見祛邪愈疾非目擊而知

之必也祖述前聖之經才高識妙探微蹟隱研究義

理得其旨趣故無施而不可且百病之急無急於傷

寒或死或愈止於六七日之間十日以上故漢張長

沙感往昔之淪喪傷橫天之莫救撰為傷寒論一十

卷三百九十七法一百一十二方為醫門之規繩治

病之宗本然自漢逮今千有餘年唯王叔和得其旨

趣後人皆不得其門而入是以其間少於注釋闕於


講義我



宋已來名醫間有著述者如龐安常作卒病論朱肱
作活人書韓祗和作微旨王寔作證治雖皆互有闡
明之義然而未能盡張長沙之深意聊攝成公家世
儒醫性識明敏記問該博撰述傷寒義皆前人未經
道者指在定體分形析證若同而異者明之似是而
非者辨之釋戰慄有內外之診論煩躁有陰陽之別
識語鄭聲令虛實之灼見四逆與厥使淺深之類明
始於發熱終於勞復凡五十篇目之曰明理論所謂
真得長沙公之旨趣者也使習醫之流讀其論而知
其理識其證而別其病曾次了然而無惑顧不博哉

余家醫業五十載究旨窮經自幼迄老凡古今醫書
無不涉獵觀此書義理燦然不能默默因叙其略歲
在壬戌八月望日錦幘山嚴器之





傷寒明理論目錄



第一卷

聊攝成無已撰

發熱

惡寒

惡風

寒熱

潮熱

自汗

盜汗

頭汗

手足汗

無汗

頭痛

項強

頭眩

脊脇滿

第二卷

心下滿

少腹滿

腹滿

煩熱

虛煩

躁煩

懊憹

舌上白胎

衄

噦

咳

喘

嘔吐

悸

渴

振

戰慄

四逆



厥

鄭聲

讖語

短氣

第三卷

搖頭

瘈瘲

不仁

直視

鬱冒

動氣

自利

筋惕肉瞤

熱入血室

發黃

發狂

霍亂

畜血

勞復



傷寒明理論第一

金陵南正齋書

發熱第一

聊攝成無已

傷寒發熱何以明之發熱者謂怫怫然發於皮膚之間焮焮然散而成熱者是也與其潮熱若同而異與其煩躁相類而非煩躁者在內者也潮熱之熱有時而熱不失其時寒熱之熱寒已而熱相繼而發至於發熱則無時而發也有謂翕翕發熱者有謂蒸蒸發熱者此則輕重不同表裏之區別爾所謂翕翕發熱者謂若合羽所覆明其熱在外也故與桂枝湯發汗

以散之所謂蒸蒸發熱者謂若薰蒸之蒸明其熱在內也故與調胃承氣湯攻下以滌之其發熱屬表者即風寒客於皮膚陽氣拂鬱所致也其發熱屬裏者即陽氣下陷入陰中所致觀其熱所從來而汗下之證明其辨焉若熱先自皮膚而發者知邪氣之在外也若熱先自裏生而發達於表者知邪氣之在裏也舉斯二者爲邪氣在表在裏而發熱也惟其在表在裏俱有發熱故邪在半表半裏者亦有發熱之證何者以表證未罷邪氣傳裏裏未作實是爲半表半裏其發熱者或始自皮膚而漸傳裏熱或始自內而熱

也而外連於表蓋邪氣在表發熱者則表熱裏不熱也邪氣在裏發熱者則裏熱甚而達於表也其在半表半裏發熱者則表裏俱發熱而但熱又輕於純在表者也經雖云發熱惡寒者發於陽也無熱惡寒者發於陰也然少陰病始得之亦有反發熱者蓋亦屬其表也特與麻黃細辛附子湯發汗者是也發熱爲傷寒之常也二或陰陽俱虛與其下利新汗後又皆惡其發熱也經云脉陰陽俱虛熱不止者死下利發熱亦死內經云汗出輒復熱而脉躁疾不爲汗衰狂言不能食此名陰陽交交者死也斯亦發熱也詎可

與常常發熱一槩而論耶醫者更當明辨之

惡寒第二

傷寒惡寒何以明之惡寒者風寒客於榮衛之中也惟其風寒客於榮衛則洒淅然惡寒也惟其榮衛之受風寒則嗇嗇然不欲舒也其惡寒者非寒熱之寒也又非惡風也且惡風者見風至則惡矣得以居密室之內幃帳之中則坦然自舒也至於惡寒者則不待風而寒雖身大熱而不欲去衣者是也寒熱之熱謂寒熱更作熱至則寒無矣其惡寒雖發熱而不欲去衣也甚則至於向火被覆而猶不能遏其寒也所

以然者由陰氣上入陽中或陽微或風虛相搏之所致也惡寒一切屬表雖裏證悉具而微惡寒者亦是表未解也猶當先解其外俟不惡寒爲外解乃可攻裏也經曰發熱而惡寒者發於陽也無熱而惡寒者發於陰也謂如傷寒或已發熱或未發熱必惡寒者謂繼之以發熱此則發於陽也若惡寒而踈脉沉細而緊者此則發於陰也在陽者可發汗在陰者可溫裏惡寒雖悉屬表而在表者亦有虛實之別若汗出而惡寒者則爲表虛無汗而惡寒者則爲表實表虛可解肌表實可發汗又有止稱背惡寒者背者背中

之府諸陽受氣於胃中而轉行於背內經曰人身之陰陽者背爲陽腹爲陰陽氣不足陰寒氣盛則背爲之惡寒若風寒在表而惡寒者則一身盡寒矣但背惡寒者陰寒氣盛可知也經曰所謂少陰病二日口中和而背惡寒者當灸之處以附子湯者是矣又或乘陰氣不足陽氣內陷入陰中表陽新虛有背微惡寒者經所謂傷寒無大熱口燥渴心煩背微惡寒者白虎加人參湯主之者是也二者一爲陰寒氣盛一爲陽氣內陷又以明之也且陰寒爲病則不能消耗津液故於少陰病則曰口中和及陽氣內陷則熱

